

表餘落箋合選

上卷



凡例七則

一邇日詩道靡曼或乾疆禿黝號為性情或泛衍
汙夸侈言聲格有心者傷之子輩才不及古人
竊願學焉未敢亦步亦趨媚時好也

一少與禮吉子側同筆硯頗相切磨頃二子亦有
抱山汲堂兩刻近留心帖括篇詠甚鮮故茲編
不及具載

一已刻未刻諸集雖多經師友點定然茲編方將
就正大方故不敢輒綴丹黃至諸師友總評仍



系各體之首

一樂府饒歌諸調聲字相雜不復可解祿等固陋

未敢妄擬間有涉筆而篇什寥寥今另為一卷

附諸體之末

一當代鉅公斯道尊宿如高念東吳梅村胡其章

張坦公趙韞退趙錦帆諸先生皆常親聆音旨

辱被推許以斯編所列選評姓氏皆少同筆研

及聲氣相通素以斯道相往復者諸先生未敢

槩列恐鄰於僭也

一余兩人新舊作不下數千茲編初出未及備載

尚存篋笥以俟二集至貽上和月泉吟社六十

篇另為專集不復編入

一明詩諸選頗夥然瑕瑜互出蘭施雜植惟雲間

數公特追正始而世或稍病其過嚴今兩人少

有志焉未有成書至海右文獻亦擬特勒一集

以表靈異稍需歲月當成鉅觀

子底

全識

貽上

凡例

瑯琊二子近詩合選卷一

新城

王士祿子底

王士禎貽上

著

婁東周

南二為

選

五言古詩

王士祿 十六首

古別離 古韻

婀娜春風時，猗猗蘭蕙芳。左右相掩映，四照生輝光。與君結新婚，燕婉在中房。明鏡時並影，羅衣隨風香。習習春鳥飛，宛宛必雙翔。豈知時會改，一往

成參商琴瑟猶在御絃易調不平君居湘水西妾居湘水東春來湘水綠波上多鴛鴦朝行常比翼暮鳴仍頡頏思婦那堪此遙望涕沾裳

夏夜詞 三首

夜涼清夢細玉枕墜青蟲香裊數鬟碧頰生一線紅半牀幽月入知未掩湘風

又

高樓風面面碧戶夜盈盈裳似六銖薄人如雙玉清摩訶池上月偏傍枕函明

又

滅燭憐新月娟娟半玉明髮香當枕細爐氣向宵清夢覺聞花漏星河一帶橫

擬文長四詩同貽上

俠客

少年慕豪俠肺腸映冰雪匣裏蓮花鏢飲以鄙夫血落落百年心不堪供怡悅

酒徒

醜醜不須澆沈冥自豪舉調笑酒家胡春風酣綠

醕老與賈溪人共藝秋田黍

才子

自古才華人，顏唐在標格。點筆落吟箋，風流照巾
鳥。所以落雁峰，去天不盈尺。

麗人

美人有性情，天冶向幽獨。擘擘桃李姿，淡乃比之
菊。頗羨消渴人，春風看鬢綠。

歲暮篇思 先祖也

遑遑歲云暮，淒淒多苦辛。麻衣結霜霰，北風吹遼

巡。我祖昔壽考，朱顏照青春。歲時良宴會，彷彿當
斯辰。示疾孟冬月，奄忽遂返真。回思顧復德，爲恩
詎有垠。康樂述祖德，茗茗恣所陳。鄙材拙譔颺，所
懷無由伸。况復歲將改，大造沛厥仁。草木鬱華滋，
雲物互鮮新。而我瞻几幃，大夜難更晨。迢遙松柏
期，倏爲泡水湮。嵩華有時夷，窮咸有時塵。冥冥一
以判，覲侍良無因。三復令伯言，茲懷殊未泯。

歲暮感懷贈雲客時雲客將北征

感彼坡公言，二十無友朋。志士鄙輕合，悠悠鮮平

生坐令歲月晚，虛此金石盟。邇獲交彭子，心若冰
壺清。相逢傾蓋間，義氣交相縈。晤對多古歡，絃指
無近聲。介我吳門友，磊犖皆豪英。敝賦悉下邑，縞
紵連上京。聲華詎所貴，欣斯蘭蕙情。蕭條季冬月，
窮巷雨雪盈。遲莫寡所歡，搖心如懸旌。聞我同袍
子，歲首行北征。落落轅固鄉，鬱鬱昭王城。遠道一
以別，語笑何由并。我友特達士，夙夜懷令名。山水
睽故枝，沉芷鬱新榮。何以慰相思，努力懷晨風。

人生不得意

人生不得意，旅食良足悲。久客長安中，羸馬日須
騎。風塵損紅顏，白衣日就緇。裴回九衢間，兀兀奚
所爲。道逢達官來，騶從多光儀。驅馬避道左，俛首
不敢窺。孟郊出門言，諒哉不我欺。丈夫具意氣，所
貴伸雙眉。跼蹐轅綬下，麤性何堪鞿。余本落落人，
蹙蹙非所持。憶昨春王月，驅車沛河湄。好友三四
人，意氣皆鬢鬢。酒酣野中步，霜清河漢垂。遙聞怒
濤聲，訇如萬馬馳。爾時攬八荒，破浪安足奇。茫茫
天地意，事勢竟難知。勁翮一以挫，青冥跡已岐。月

明視烏鵲啞啞空南飛羽毛雖不華枳棘良難栖
我家長白曲一峰當戶楣逶迤帶澄湖菰蔣翳釣
磯清秋霽雨間游眺皆所宜屈指朱明謝行已及
斯期况復好兄弟日望遊子歸行將策杖去佳時
慎莫違

送陶仲二兄東還兼寄仲弟禮吉季弟貽上

時子側同余客都門

聞君馬首東愴然不能語何辭遲行鑣津亭方暑
雨君言思故鄉且復得行侶聞言動我悲作客亦

洵苦自我越鄉來勞勞成羈旅懷刺類正平才疎
比文舉顧盼寡所合孤踪良踽踽去住兩難剖幽
憂病而癡所賴好兄弟晨夕同簷宇且茲客長安
倏已閱寒暑行復秋律近涼飈動砧杵遊子倦故
鄉矯矯慕歸羽而况春令分憂來何能拒送君銅
馬門爲君久延佇遙思歸憇時田壠秀禾黍阿季
謂貽上久東還幽棲傍山墅及茲秋氣佳應得時遊
處定借阿仲謂禮吉來源源過君許把臂陟層巖方
舟沿溪澈銜杯念鴈群能無感散聚嗟余落魄人

艱作溪山主念此瞻行塵離憂滿平楚

贈包惕三山人

我愛包夫子高風良謏謏既爾矯若鶴復能淡如菊塵中展良觀浣我心與目夏雲英以逸秋日靜而肅徐出一卷詩情文殊斌或脫筆盪舊蹊振墨起新穀兼聞審音理精微一絲肉惕三精於聲律所編傳奇凡數種尤精無勞詫牛鐸詎須異亭竹中座奏雅聲深琴阮情足往復靜我騷屑心酒餘罷鳴筑曹劉雅可躡關馬何足蹴以此蜚英聲踞要如縮穀而君有遠

心惟取媚幽獨綺齡振清藻雅志甘林麓耻碎鬣人琴欣伐河干輻我亦耽疎放夙昔鄙馳逐詎能役一身折腰希寸祿山行饒蠟屐林臥足茅屋一挹高尚蹤決策棲巖谷

臨淄道中

嵒山雲壑迴透迤朝氣鮮晴雪眩陽景明滅開層巒我行感遺跡為味遭徂篇緬邈幾千載雄風仍颯然驅車一回首西盼康浪淵不見飯牛人白石猶爛爛棲身牛口下狂歌夜火間一朝躡躡相通

國稱其賢念此磊落人爲破窮愁顏牧羊或上林
牧豕或菑川比跡略已似高譽何能肩此來悲物
役況復當窮年悠悠念古人茫茫集百端浩歌一
翹首涼風吹古原

寒亭味古

驅車下密道天晴泥雪融有亭翼道旁傳爲寒泥
封居人供祭祀遺廟基猶崇西來百里餘言眺孤
山宮中貌夷與齊清風何穹窿荒山草木合野老
椒蘋空一何味聖愚彼嗇茲乃豐莽操作逆跡故
智師有窮羿旣爲承蜩泥復爲持弓循環理自然
此事非不蒙昔人惡阿瞞乃怨狼顧翁維茲香火
緣其義將無同俎豆誠亦宜用以惕臬雄

懷萬大來

苦辛復苦辛中情難具陳永懷封丘子時轉腸中
輪自信珀芥投文章良有神天衢展初觀落落非
易羣稍因談菽暇交情日以親知事文選學矻矻
殊精勤含吐謝與陶道質仍清新長句宗杜陵奇
語思驚人撮心入哈呀拓筆生嶙峋示我舊吟卷

如聆莖韶音更憐襟期同
就此寒氈春秋風指梁
宋羽翮參差分同時除日下知食何地貧我官萊
子國孤城枕海垠登高望神山不見移情人長歌
寫心素一寄嵩高雲

王士禛

二十七首

古意

燁燁良家子窈窕出宛洛
衣服盛蘭蕙巧笑何綽
約十五工織素尺寸自揆度
裁作合歡襦與君相
娛樂娛樂不可長空閨竟焉託
流塵上瑤瑟清風

動虛幕天寒錦衾空感歎中夜作

賦得山水含清暉

日夕霞氣斂餘照明長林
泉石亂猿鳥噉噉流清
音川野倏明晦巖嶺半晴陰
澄湖雜蒲葺舫榜落
春禽仰見天宇清延眺丘壑深
招隱如可續長嘯
還鳴琴

賦得乘流玩迴轉

杖策陟崇崗循磴轉溪壑密篠含餘暉
清流抱林薄沙石旣清歷菰蒲何綽約
水鳥非一聲素魴時

競躍山影暗浮沉溪聲相淡泊白雲斷復續谷風
間亦作雲盡溪未窮路迷步履却日夕鐘磬音山
花澗旁落寄語同遊人棲止將斯託

景呂自武林寄詩書感其意賦荅八章

古韻

龍門有孤桐錦江有朱絲各自異鄉域遙遙不相
知一朝登高堂文彩何歲蕤截桐成錦瑟比絲以
相緯一彈再三歎惠音和且哀

又

婉變章江子天矯青雲端讀書薄丘索振翼翔龍

鸞携家秦人洞近拍洪崖肩側聞丁敬禮才名高
建安太息澄江水欲渡愁波瀾

又

昔我遊帝京弔古常悲歌無人知叔度歲晏當如
何寂寞過詹尹慷慨懷漸離豈知天下士相逢賣
漿家繾綣吐金玉縹緲凌雲霞

又

天馬困長坂昂首望千里神龍困益沼雲霄會終
起上書金馬門咫尺窮宛委躡履揖公卿高文動

天子不蒙君子知誰當採芳芷

又

浩浩滄海深峨峨泰山高玉函久零落金薤亦蹉
跎之子耽奇勝振翩翩然過携來匡廬峰俯對峭
湖波贈我鶴文錦遺君鸚鵡螺

又

彭蠡秋水落臨風動歸心朝發椒山旁夕次清江
潯吳越山更秀蒼雲秋當深松陵有贈蒼漢上多
題襟歎息同袍子寂寞丘中琴

又

客從會稽來叩門前致詞尺素若冰雪爲道長相
思聞君越中遊乃在漸江湄湖山麗衣帶花鳥相
參差濯足玉泉水長吟剡中詩

又

浮雲西北馳越鳥東南翔相去幾千里各在天一
方與君誓同心誰知道路長初憶越梅青忽見吳
橘黃望望灌嬰城遙遙隔章江願爲雙黃鵠比翼
共翱翔

偶然作

四首選二

春氣滿郊原萬物皆可友花葉無勞心始荷天力
厚農家門向田麥壠映南牖習習春風中紛披竟
十畝春雨復霑濡荷鋤日八九為農貴天時人事
豈敢後更聞簇眠蠶柔桑垂就手

又

古來學道人讀書多所棄舍精保神明匪但云高
視愧我千萬言戚戚無得志忽聞山鳩啼悔居近
城市

擬文長四詩

俠客

少小劇孟家長走漁陽戍虬髯一尺長寶劍千回
鑄老去短褐衣洒洒要離墓

酒徒

偶然學擊劍兼復愛飲酒六博長月闌墮珠錯前
後燭滅羅襦開此際堪十斗

才子

胸如九秋月筆如三尺鐵飛蓋從西園千言如溜

瀉醉藉紅袖眠湖山正暮雪

麗人

下簾坐春晝雜花隔簾發春樹對新妝芳菲恐易
歇夜涼遲早眠携琴向明月

三月初八夜

華星粲雲際皎月出明河肅肅房櫳開泠泠鴻雁
過幽人惜靜夜徘徊步巖阿春露下芳桐繁花遍
高柯清泉引修竹涼風吹女蘿意得絕言詞興至
發浩歌臨風寫朱絃惠音清且和仰視玉繩橫參

差麗金波太息良夜闌繾綣當奈何

鸚鵡篇爲子側兄賦

鸚鵡生隴右雌雄常并飛綠衣映朱喙毛羽何
蕪蕪朝遊桂林側暮宿隴樹枝巧語絕猜嫌飲啄不
相違一朝罹罟罟珍羽忽摧頽雄鳴念故侶歲暮
寒無依巖天霜雪零隴水一何悲哀鳴動行路聞
者皆涕洟羨彼鴛與鴛比翼戲清池

同張彝公登黃山兔柴飲溪上

夕陽下西山水木淡幽色偶來碧峰下共坐茂林

側精舍宛圖畫溪容薄雕刻驚泉漱層崖明流散
紆直林聲響餘瀑飛鳥不敢息布席俯清澗古石
儼傾仄解衣掛高松舉頭羨歸翼緬懷白兔公清
風邈難卽

南皮懷古

朝發麻姑城夕次南皮里南皮昔名勝羣賢扇風
美公子騎中郎賓客盡才士飛蓋兼羽觴浮瓜復
沉李前軼繁臺遊後絕蕭梁軌風流一銷歇故蹟
空丘壘鄴宮與漳臺悲哉亦如此

寄家兄子底子側京師

玄鶴矯奇翼凌風西南飛旦發江淮間夕飲瀟湘
涓雲雨恣遠遊千里猶易諧如何平生親宿昔當
乖離行行遠于役乃在金臺基始出素雪零再見
白露晞鴻雁日紛翔蟪蛄鳴相隨我有一樽酒誰
與斟酌之我有一端綺誰與同裳衣

舟次桃花口望落霞

日暮涉廣川南風吹片席水波淡不興烟景浩將
夕清漪媚淪漣荇藻泛空碧不知舟楫利漸與塵

囂隔矯首青林端
落霞幾千尺冥冥沒去帆
歷歷銜歸翮蕭蕭蜻蛚鳴
悠悠清露滴太息
山中人為久行役

柿泉

數峰綠不散下有清泉響
披草注雙溪迎風下千丈
松桂落深碧冷風送朝爽
素鱗時隱見碧蘚白
生長往往水石間
涼雨洒衣上濠濮
千秋人臨流愜孤往

寄楊聖宜

申旦起清盥東風變餘寒
春蟲響深草倉庚飛簷
端祁祁清明後百卉萋
以繁振衣不自怡
念我平生歡容華耀朝日
吐訊儷幽蘭微詞託瓊玖
密意通琅玕帝京一分手
會晤良獨難川路渺無梁
驚濤正漫漫懷人感春夢
翹首羨飛翰惆悵故山裏
空令芳草殘

賦得涉江采芙蓉寄鄒訐士

清江落秋水離人傷遠道
蕭蕭木葉下冪冪江潭
草風昔同心人別離縈懷抱
別離忽已晚憂心常

悄悄濃浦芙蓉多沅岸江離早將以貽佳人長路
空浩浩

擬班婕妤咏扇和江文通

粲粲明月姿流黃耀輕素出入羅袖間婉變比輕
霧常願涼風時雖新莫代故白露一以至搖落長
門樹昨日玉手中今日成道路

二為曰子底五言古或雍容甚都或磊砢自喜
籠罩羣體耻規一家而皆屬可傳
禮吉日貽上天姿本近右丞五古自十九首
逮建安阮陸陶謝諸家無不涉筆妙得神韻當
其意得處遂至含吐國風

瑯琊二子近詩合選卷二

王士祿子底

西泠顧豹文季蔚

新城

著

王士禎貽上

弟王士祐子側

選

七言古詩

王士祿

十二首

秣田驅驢歌

長白山下驅驢行長白山頭白雲生雨氣欲來看
禾黍微風東西吹縱橫遙見炊烟青不起忽失斜
陽山塢裏却顧獠奴策蹇驢截流橫渡前溪水山

表館落箋合選
一
初集
腰雲氣濃於烟雜風雜雨清溪前桔槔影寂瓜壺
裏鷗鷺窺人蹊塍邊簷笠依人從此去瀟瀟響滿
檀梨樹迴看野色盡蒼蒼迤邐漸失搖鞭處

醉後吟

欲作真娘塚上花不則要離墓邊艸香魂麗質隨
風歇至今人艷虎丘月雄劔幾年光彩沉短衣擊
劔多賞音不爾梁生豈因人世無美人與俠士寸
心耿耿向誰是縱復魄礪時時澆安能日逐賈人
子君不見大壑當年棄琴瑟冷落千秋幾屢夕

今惟有兜玄翁閱盡名山藏鹿茸

雙壽詩爲彭雲客尊人敬輿先生及蔡夫人

賦

支硎長松一千尺猶記支公手親植先生時作此
中游手撫老枝三歎息繁花開滿吳江春鹿門欲
卜龐公鄰舊隱尚傳德耀里草堂常掛淵明巾絳
縣紀年迷甲子睇髮紅泉友園綺逍遙巖石謝人
知却笑多名守藏史堂前更奏白華詩日使月節
何離離千載名山共娛悅結廬應在峨眉雪

用陸通夫

膠西行

秋盡繁憂不可掃夜視太白光皓皓海氣遙昏石
白陰兵氛晝暗黔陬道當年三鎮下東秦犄角會
聞天語申西控清淵開幕重南連大冶建牙旗
膠西將軍幽并子少年幾入漸離市落魄曾無國
士稱俠遊徒袖夫人七際會忽承恩遇殊龍擘同
受玉磨符檀公江左長城寄叔子襄陽保障初詎
謂輿尸隳節度健兒夜夜南塘路暮雨誰知博士
船秋風早落將軍樹積漸因循氣轉驕桓東擊刺
競雄豪那見軍中能超距但聞河上日遺寇
咨丞相厲師武經略南交定湘楚旄鉞還將天子
靈羽書徧下諸藩府膠西入幕典籤兒反側狙獍
何所爲一時煽衆呼庚癸將軍俯首聽推移旦日
群公邀相見奸謀卒就誰能辨不識壁中已著人
忽看堦前群擁劔棖門白日獨鏤寒躒血孤城忽
鼎翻鳴鐘堂上紛橫刃列戟門前亂揭竿吁嗟盛
世何當復有此將懦兵驕理應爾古來幾事戒履
霜此事堅冰已久矣東望黃塵幾日紛西來赤羽

遞相聞遙傳大纛中丞出觀釁新屯廣固軍

七夕

鵲去烏飛逢暮雨天孫夜就黃姑渚離思凌晨那可語

咄咄篇贈季弟貽上

咄咄古來才人詩筆誰最雄客兒秀濯出水之芙蓉藍田給事調轉工白也逸翮凌天風吁嗟斯人誠雋上千秋而下誰躡超光絕影之高蹤阮亭主人風雅宗秀眉廣額湛雙瞳衣妍骨采美且丰孤

雲兩角騎飛龍下視一世眸爲空顧盼意氣轢長虹遐騫晞髮陽阿東手弄青霞遊藥宮文心映日光曠曠山川麗崎啣味中掇拾香草直童蒙摩天尺五落鴈峰呼吸上與青旻通豪吟琅琅如扣鐘瓊琚玉珮相琤瑤乘風破浪聲淪淪曾涵智珠操慧鋒文壇轉戰稱折衝左拍青蓮右謝公高揖右丞恣火攻千篇搖筆如有馮迅流龍門瀑呂洪高言磊砢狎華嵩玉函金簡光秦封我時攬擷開心蓬第五之名誰與同嗟嗟驃騎真凡庸

命酒行贈周子

咄咄周子吾與爾真肺腑友且須相對共呼酒吾
道艱難仍陸沉莫問白衣復蒼狗有言茹吐皆不
能何如啣杯當去讀籍口酒酣起視夜何其天漢歷
歷明星垂浮雲卷舒時虧蔽天孫河鼓遙參差逢
君河朔同三夏不信紅塵能撲馬但須時傾三百
杯何勞重問悠悠者銀鑿落金叵羅吾曹不飲當
柰何烏鵲繞樹不得下中林枝柯空復多明日還
轅指易水風流雲散俄頃耳共君努力慎修名

里相望自茲始

壽潁川劉母

夙讀彤管書遙遙結深羨湛母有餘徽剪髮與莖
薦遂令佳兒陶士行一朝名譽公卿遍又聞公沙
有五龍聲華燁燁人寰中潁川闕閱連天起兒似
公沙母湛比夫人三子並捷賢書連翩欲過鈇鏤王品題並
號文章李謂雲小郎謂雲兼復屬新婦高座絳紗親授
讀猶子謂公更饒車騎風賭囊詎必煩阿叔五夜
頻勞晝荻心一庭爭看琳琅簇佳辰適味南山歌



原件短缺

綵服繽紛簪笏多
遙知燕喜稱觴處
堂下薰風細
細過

道逢蓋賓階年兄入京歌以送之

駐馬認鬚眉握手此中野
知君復作長安行感昔
悠悠淚盈把爲思待詔公車時
春風車馬同逶迤
我時寄居椿樹街訪君每過青
厰陞厰畔春光秀
塲麥經過戶牖風垂垂塲麥催
人聞春夏潦倒始
覺光陰馳自從疎懶謝常調窮
海一羶尤可悲君
今更首春明路九衢又發新花
樹工河垂楊鶯亂

不來烏解羽黃河之水東西流
浩歌如雲唾壺缺
滿目湖山正飛雪昆絃角角鳴
嘈嘈琴聲如蟹泣
夜糟勸君屈卮語君語庚庚立
壁皆吾曹買絲勿
繡平原君有酒切莫對虎賁世
之譎詠在形影典
型之忌猶紛紛夜來細雨剪春
韭花枝似肉映樽
酒與君搔首且登臨遶籬四面
青山陡

膠西行

離離海邊樹藹藹黔陬城城中
百萬戶夾道彈鳴
箏憶昔穠華未銷歇名園處處
春花發簫鼓晴連

之采雲笙歌夜落珠峰月月沒雲開星欲稀城邊
楊柳夜烏飛公子長停珠勒馬美人自愛金縷衣
金羈寶馬狹邪路北里門連烏柏樹繁絃一曲定
情篇隱囊四座彈碁賦金張甲第上連天飛宇高
甍白日前藻井盡留明月影金楹不斷海霞邊錦
車小駟連春陌桃花柳絮爭顏色碧罽文茵五十
重紫絲步障三千尺文茵步障競遨遊列第歌鐘
午未收折步纖腰爭上食吳歌趙舞不知愁別有
翩翩少年子一言便贈千金七結客常聞劇孟家

夜大雪起賦

戍鼓不鳴清漏歇華星沉沉絳河沒客子不眠烏夜啼
起攬貂裘寒到骨開門素雪已霏霏朔風盛栗凌人衣
梅花橘葉辨不得哀雁驚禽聲漸稀呼童放牕更置酒
襄陵烏程盡一斗危坐高吟招隱詩節歌痛擊秦王缶
憶昨春風京洛遊紅絃白馬青氍裘經過燕趙少年子
醉臥胡姬春酒樓玉泉梨花落如霰金水垂楊照人面
西園賓客曉相過東第衣冠晚仍見誰知時會一朝殊
歸去來兮東海隅玉堂婉孌美人進賤子甘乘下澤車

黃羊之美紫駝酥銀罌翠管紅氍毹風流都麗天下無
郢江執戟何爲者雪凍雞鳴獨擁書

贈孫仲孺兼呈令兄孝堪

仲孺以陽春公子
行見寄故及之

君家兄弟青雲上弱冠著書競高唱四賦瑰奇擬
長卿七略淵綜繼劉向哲兄卓卓度驂騑令弟齊
名第一流旗亭佳句染春雪弟子如花矜妙謳深
柳草堂覆山翠十年作賦言仙意康樂曾聞夢法
曹廬江何必減驃騎昨來寄我陽春篇王後盧前
誰並肩銀河關關月

懷終南山間杜陵程生

君家住近終南山終南雲物盈戶間皇陂紫閣已
千古藍田玉峰誰往還我家東極夢西極冥濛海
色藏秦關何當携我杜陵去中條千仞同躋攀

代程生荅

終南地肺一千里飛流倒掛三川水盧鴻隱處已
無人靄雨冥冥嘯山鬼潼關諸峰皆插天龍門太
白相勾連與君携手出關去結茅直上青峰巔

杜康泉上作

黃羊之羹紫駝酥銀罌翠管紅攴毬風流都麗天下無
郢江執戟何爲者雪凍雞鳴獨擁書

贈孫仲孺兼呈令兄孝堪

仲孺以陽春公子行見寄故及之

君家兄弟青雲上弱冠著書競高唱四賦瑰奇擬
長卿七略淵綜繼劉向哲兄卓卓度驂騮令弟齊
名第一流旗亭佳句染春雪弟子如花矜妙謳深
柳草堂覆山翠十年作賦言仙意康樂曾聞夢法
曹廬江何必減驃騎昨來寄我陽春篇王後盧前
誰並肩銀河爛爛月垂地飛龍衙衙雲上天讀君

君家住近終南山終南雲物盈戶間皇陂紫閣已
千古藍田玉峰誰往還我家東極夢西極冥濛海
色藏秦關何當携我杜陵去中條千仞同躋攀

代程生荅

終南地肺一千里飛流倒掛三川水盧鴻隱處已
無人靄雨冥冥嘯山鬼潼關諸峰皆插天龍門太
白相勾連與君携手出關去結茅直上青峰巔

杜康泉上作

杜康泉上水如鏡紅旆碧牕相照映牕中女兒顏
如霞能採梨花釀春甕行人飲馬泉上來朱櫻花
底同裴回錦鞦玉勒向何處珊瑚明鏡空悠哉

季蔚曰子底七言古婉麗本盧駱適整似維頗
故名章迴句往往警絕

逸休師曰子底七言古如未央結構有千門萬戶
之奇又如吳道子畫鬼神天宮寺盤薄淋漓奇
絕今古

子側曰貽上七言古詩本信陽之俊逸兼北地
之沉鬱縱橫跌宕無不如意大編范陽二篇尤
臻老境○又曰貽上七言古如佛經所言曼陀羅
花幻光艷質非復恒有又如繡旗錦繖據鞍顧
盼縱極凌厲正不沒其妍姿

瑯琊二子合選卷二

瑯琊二子近詩合選卷三

王士祿子底

茂苑彭

瓏雲客

新城

著

王士禎貽上

兄王

揆端士

選

五言律詩一

王士祿 六十三首

新柳同貽上 四首 選三

東風吹楊柳嫋嫋發柔條不盡三春色居然萬里
橋漢南煙尚淺渭曲雨初消詎似江潭樹淒淒向
晚凋

又

春水滿清溪春風吹大堤千條煙欲綠三月色初
齊弱葉移烏影踈陰散馬蹄不堪金管發腸斷渭
城西

又

楊柳關河色依依嬌上春金溝添水碧玉笛起愁
新芳甸南連楚青山西向秦不須飛絮日離思已
沾巾

送梁朗公出守武昌

白羽徵兵日朱轡出牧年雙旌樊口樹五馬渚宮
天地接吳王壘人如庾亮賢定知鈴閣下為政雅
歌偏

少年行

年少五陵徒從軍幾歲逾春田燒白草秋塞落黃
榆挂臂千斤弩鳴鞭短尾駒朝聞烽埃息還過酒
家胡

擬唐人塞下曲

落日響鳴螺材官夜枕戈金城連北假銀水入西

表節落筆合選
河錦憶和戎使雕弓出塞歌相期傳露布盾鼻尚
堪磨

又

殘照麾牙夕寒城簷策哀風煙青澗戍兩雪白登
臺代馬乘秋壯黃羊逐獵來榆關西畔路直北是
龍堆

擬唐人出塞

絕幕聞傳箭三河聚控弦馬蹄蹀暮蹟雕翅擊秋
煙蒲類沙邊海燕支雪後天雙甄如鴈翼幾日過

居延

又

謀騎漢南回關門一夜開雲迷屈射塞雪沒李陵
臺疊鼓軍能肅銜枚衆不慙摩崖千丈碧應待勒
銘來

美人怨情

清晨明鏡裏何事結雙眉好夢人能惜幽情妾解
疑紅蘭春院葉斑竹暮江枝那更空閨晚氤氳桃
李時

賦得月出夜方淺 祖詠句

佳夜當三五雕房璧月侵澄泓明玉水菴藹照芳
林暝色初栖鳥清光欲半衾那能憐好夢幽思逐
宵深

聞呂子渭述友人納姬事

朝日洞房春房櫳對曉顰鴛鴦仍待闕蟋蟀欲憐
人鏡裏看粧好絃邊送怨頻一聞歌懊惱轉復情
腰身

寄方輿士司李武林

聞爾東南去褰帷入畫圖過江人更韻佐郡跡還
孤山水清吳越風流接白蘇閒思燕市飲還憶酒
人無

又

懷君坐嘯暇山水供探奇定作觀濤賦還吟放鶴
詞春橋依竹寺雪舫入湖卮玉局遺微杳風流更
在誰

贈徐東癡隱君

蓋代風流子紅顏美且姝青春憐薇蕨白日臥菰

表餘落髮命選
蘆遺世譙元彥絕倫孟少孤幾年丘壑裏著論學
潛夫

又

遺世欽高躅春風誦卜居巖間堪種藥井底可藏
書柳惲多新味陶潛有敝廬小山叢桂遠爲爾重
躊躇

八月十五夜

小聚命儔侶清光遍薜蘿芙蓉秋水寂叢桂小山
多一鴈歸湘楚繁星點絳河虛堂絃索靜獨和越

入歌

九日太液宅觀鴈同禮古子側貽上三首選

軒墀戢遠翼遲暮動哀音沙白三湘月風高萬井
帖幾宵辭荻楚前路半楓林應念關河侶長征雨
雪深

又

庭前雙白鴈宛轉向人鳴棲止堦墀近翻飛歲月
驚秋風彭蠡度春雪玉關程霄漢經年意還應見
爾情

九日集東園晚酌山亭作

晚移臨澗酌復此坐山楹林際影初側亭臯煙欲
生蕭條秋士味愴怳夕陽情薄暮徘徊處松風洞
壑聲

同禮吉子側貽上聞梵

仙梵遠依依殘宵清夢歸遙隨孤磬發還共散花
飛宿鳥驚仍下星河澹欲微不煩龍象力從此息
塵機

贈衍公

聞師尊宿者具戒幾年持心印傳黃蘗禪燈寄白
椀七華臺右匝雙樹水西湄遺韻東林在言尋慧
遠期

行脚僧

蒼茫湖海路錫杖幾年飛一葦春江杳雙林夕照
微花生優鉢露雲濕稻田衣悟徹禪宗理行行總
息機

又

辛勤行脚意蓬轉任西東荷臥分漚席山行躡虎

表餘落箋合選
卷三
六
秋集
蹤言從少室路將訪武夷宮回首故山裏春林芳
草濃

懷紀千秋

邇日屋梁月頻思紀少瑜新林芳蕙杜舊雨散江
湖感遇天難問懷人歲易徂春山真可望還入二
勞無

懷田聖昭

田子掉頭去春風又隔年蕪城城畔路芳草應華
羊歸鴈南泠水懷人北固船今來憔悴絕空味回

愁篇

又

離居頻易歲梅蕊又催年南望維揚路澄江清可
憐玉簫明月夢春棹水鄉煙桂樹淮南近山中幾
日還

丘六區先生以忤璫死事在明熹宗朝比乃
得崇祀於鄉子廩書來徵詩因賦

磊落丘夫子捐生義最道黨人推李固令子類王
哀碧血千年化丹青異代優胥江白馬氣應向此

中酬

送人之廣南

南天萬餘里去去閱星霜遠道稀雙鯉仙城過五
羊碧巢鳴翡翠白雨暗枕榔到日登臺望知君悵
越鄉

憶家弟禮吉子側

客裏終朝臥高簷夕照黃蕭條增旅病恍惚對春
光故里梅應落新年草漸長池塘昨來夢歸思日
徬徨

答贈劉小石

昔日懷丰采春風吹望諸今來在佳贈秀色藹匡
廬鄴下爾公幹瑯琊我伯輿因之感意氣重為賦
相於

寄酬章湘御

京洛懷人日新林試早鶯江湖交意氣兄弟各才
名夜月依梁盡春潮逐思生金昆行握手還與訊
慈明

送景呂小石南歸

送爾南州去迢迢別思生來摩烏集闕歸指灌嬰
城才子春風怨岐途落日情勿傷牢落意江國足
逢迎

送丹崖弟南歸時四兄事尚未白

到當春欲暮首夏更分襟嗟我窮塗意兼君急難
心狂來歌咄咄歸去雨淫淫怕說南冠者經時尚
楚音

留別黎小翼用孟浩然留別王維韻

落魄蓬蒿了仍尋舊隱歸詎嗟京洛杳所惜故交

遠關路垂鞭暮山城到鴈稀知君相憶處人海

雙扉

時小翼尚以
謁選留都門

以將乞改教職留都門有懷故山次岑嘉州

初授官題高冠草堂韻即效參體

以參詩
三十始

一命宦情多欲闌
云云若爲了設也

風塵淹滯久未宦已心闌墨綬不堪吏青氈聊乞
官堦陰桐柱屋山雨藥滋欄惆悵未能去嗟嗟辜
釣竿

寄懷龔玉臣時司李吳興

表餘落箋合選
九
秋集
回首分携日心期向爾縈側聞辭魏闕佐郡出菰
城秋水茗溪碧春山浮玉清遙知官閣裏吟眺足
幽情

送安侯錫之任趙城便道過里

地是河東舊城臨汾水傍美人本要眇爲政足輝
光懷綬夏雲盡鳴琴秋色涼薊門祖帳處緣爾倍
思鄉

送宣四還菑川兼呈柳下

那堪羈滯日卽次友朋歸握手心難盡題襟意覺
違古槐交驛路暑雨灑行衣去向孫登道懷君清
嘯稀

雨懷

偶借晦冥色幽棲似水涯馬聲嘶晚櫪槐雨亂空
街昧昧思天問悠悠續味懷碧山歸臥好此意未
應乖

追和高繩東先生夏日同群公集先農壇分

韻三首選二

長夏春明裏幽尋愜性情山開檐色敞鷺映浦沙

明醪氣浮松碧藤陰覆簟清晚涼消百盞那避酒
人名

又

石壇一矯首城闕望邊深日抱端門午北望大內雲明

秦時陰東對天壇壯心迴麗矚涼思發孤吟薄暮收餘

眺幽情晚易侵

歲月

歲月高秋接羈思日夜乘微風堦畔樹疎雨酒邊
燈澆寂千杯破將愁七字能稍欣車馬絕聊作閑

存歲月容顛態江湖足放言客嘲何必解守拙道

元尊

出都城觀獵

近輔山川濶高秋羽獵雄如雲馳萬騎似月擘雙

弓摩詰詩差壯龍眠畫最工斜陽回望處氍帳蔽

原紅

張家灣

國門東下路薄暮抵茲鄉片月斜臨渚平沙漫趁
岡晚檣吳客語夜市女閭張指顧神京近舟車此

未央

示友

寂寂甘拋粉悠悠罷結眉由來貧女醜誰道寒修
岐白日紛成暮黃昏未可期同車孟弋子競羨舜
為姿

雪中發巨篾夜抵昌樂偶成兼贈呂子渭山

人

暝色群崖會岐塗夜火憑寒冰堅巨篾大雪壓營
陵寂歷荒城柝青熒野店燈愛君雞唱句祈與續

枯藤

子渭嘗夢中得雞唱留餘夢之
枯藤用宋呂山人續雪詩事

濰縣道中

晴日古原上泥融雪未殘墟烟通下密橋路繞東
丹彌遠山逾姣已晴天更寒疎林落空響猶自玉

珊珊

又

辛苦高堂別蕭條岐路經漸聞人語直稍覺海天

青北海先賢廟

邑有孔融廟

斟郭舊國亭懷鄉兼弔古

流歎滿遙垆

別離曲

為惜紅顏好悠悠悵別離丁寧鏡神聖

王建詩
中語 嫉

妬鳥雄雌春淚桃花落秋懷梧子知怕看昨來信

迢遞說歸期

新河口

午過新河口遙看海氣浮潮痕常到市土俗半纏

頭碑蝕地圖黯原荒草樹愁便如登隴去鄉思倍

悠悠

裁衣曲

初罷清砧響還勞素腕舒殘燈金粟尺

杜詩越羅
蜀錦金粟

遠道玉關書白紵縫仍澀紅綿怨有餘流黃明

月路何處逐輕車

道中

開年苦奔走來往共殷勤孤樹撐岐路殘碑拆古

墳夕陽寒映雪遠岫淡疑雲十載楊朱淚蕭條灑

向君

秋塞曲

落日照軍旄涼風吹古壕黃榆疎故壘白麥熟新

醪隴西記諸州深秋色採白麥釀酒月色臨關苦星芒映帳高更聞

笳吹急愁思滿臨洮

雲客曰子底五言近體神韻氣骨本之摩詰高
岑近潦倒自放專意杜陵格益高氣益老色益
蒼鬱青藤山人所云吾晚年作畫如登州海市
時而有時而無也子底近作之謂歟
端士曰子底五律往作如瑤環瑤珥蘭茁其芽
近作如霽曉孤吹高秋晚眺大曆而下未見其
倫

瑯琊二子近詩合選卷二

瑯琊二子近詩合選卷四

王士禛子底

吳門

新城

王士禛貽上

著

同里

五言律詩二

王士禛九十首

春閨 四首選一

垂柳東風入柳絲拂

星錦瑟絃中易流雲

烟汀

學畫蒲戲題之

驅筆早雷驚抽蒲直欲生
幾葉圓心獨一葉
蜓小艇如飛蝶平波似水晶
更折三五竿
陽明

喜霽有述

霽色臨牕滿啼禽破曉新
門前垂柳葉籬下綠紅
人衣事更單袂孤花歷夏
春佛降流水去乞竹過
南鄰

送丁景呂還南昌

迢遞南昌郡秋江別思生
人過吳苑樹鳥去越王
城彭蠡潮初滿麻姑帆正輕
路逢北來雁應爲寄
離情

新柳同家兄子底賦

煙水玉河流鶯啼雨乍收
弱能縈別思絲欲亂春
愁新碧連芳草繁陰夾御溝
似聞歌折柳惆悵大
堤遊

又

憔悴江潭樹今年發幾枝
故人天際別無日不相

思贈遠憐新折攀條惜漸垂春風送客處長憶武

昌時

賦得邊馬有歸心

朔風邊草勁代馬向風嘶聳耳驚鳴角哀聲雜鼓
聲天山秋帶雪瀚海草連泥落日隨旗影蕭蕭度
隴西

擬唐人出塞同子底

烽火甘泉入旌旗絕塞行屠耆秋牧馬都護夜觀
兵水涸浮苴井天寒趙信城至今漢飛將猶說貳

師征

又

六千仍命將七道各懸師黑水寒中渡黃雲馬首
垂邊聲臨大荔候騎出條支已報城南戰新收左

谷蠡

又

中堅屯灞上後勁發回中天子臨軒武將軍出塞
雄馬毛千里雪隼翅一天風旣脫連姑衍年年戍
火紅

又

漢家征戰日戎騎過龍堆
薪望明駝入磔林天馬
來連營千甲合列鄣五丁
開落日祁連冢誰知驃
騎才

又

秋氣邊城急關河草木枯
控弦看過雁躍馬度飛
狐轉戰寒雲合連營夜柝
呼傳聞金佛祭幾日入
休屠

雨雪曲

轉戰出龍庭關河草木腥
北風驅甲騎大雪暗下
靈野曠嘶邊馬雲寒指將
星曾聞漢飛將磨盾此
書銘

雨後

雨事朝來減孤村隔翠微
白雲過溪去春鶴出山
飛蒼色滿平楚泉聲鳴夕
扉坐聞林外語荷鋪幾
人歸

送梁朗公工部出守武昌

水部才名舊為郎省署幽
春風渭橋上南望武昌

樓二月過淮甸雙旌入鄂州芙蓉向堪把遙贈楚
江頭

又

庾公樓上月迢遞至今明白雪歌如在使君絃正
青春流樊口碧煙樹漢川晴君去雲中棹應逢杜
若生

初至博姑湖中卽目

姑尤城下泊萬頃碧漪澄畫堞平秋水寒蘆倚暮
簷西風過浦雁斜日滿湖菱日盡白雲外方舟向

晚登

九日太液宅觀雁

羈旅悲雙雁長鳴似念群江關何處所搖落不相
聞斜日青山遠秋風落葉分那堪逢舊侶遙影入
寒雲

又

九日多風雨孤城閉客愁况聞雙雁唳更覺暮天
秋吳楚多春草江湘憶昨遊南飛舊時侶何日到
衡州

送人之宣城兼求爲寄聖宜書濟寧

山水宣城郡君行雁正紛敬亭消薄雪疊嶂覆春
雲去路江淮遠人家橘柚分南池有遺蹟歸客早
相聞

九日風雨寄吳中周逸休先生書有作

景物重陽盡蒼然向暮秋開牕眺晨色風雨入寒
流江上青楓老天邊白雁愁牀頭數叢菊聊足慰
離憂

宿傅濟汝齋留壁

歲晏孤城閉衡門落木前人來草堂雪鳥宿暮林
煙舊是龐公隱今同谷口眠明朝看山色應過斷
橋邊

寄章素文鶴書湘御

聞君好兄弟皇甫不能如落魄秦周客齊地名迢遙
吳越書洞庭方橘實江水正鱸魚千里秋風帖還
能慰索居

晚行口占

歲晚還爲客難爲遊子心蒼山臨凍浦雪屋入寒

林石路行人少殘菱古岸深旅愁消不盡獨續朔
風吟

歷下送坦公先生之浙左藩

賜履湖山下風流兩地新名泉七十處君子六千
人桂箭吳都美梅花越嶠春臥遊緣不淺真與白
蘇鄰

又

數載扶風帳三秋灤水湄暮雲望不極江雁欲何
之秦望連天姥吳帆過禦兒臯亭梅子日應寄北

人詩

又

有美餘杭地多聞名士遊吳山臨曉鏡越女蕩春
舟堤柳懷蘇子湖波望鄴侯後來誰命駕名勝一
時收

又

清秋玉函側遙送五湖槎南雪逢吳雁東風見越
花仙城連碧嶂官閣映江霞烏帽題詩處還應問
浣紗

又

先賢讀書處白雪正迢迢先生重建此去臨安郡

孤山久寂寥長吟天目樹高枕浙江潮放鶴人千

古清風迴未消

又

漸水如衣帶風流近剡中紅泉謝公隱碧樹夏土

宮南鎮風煙古東山絲竹空到來遊覽興高詠復

誰同

又

窈窕西湖水江南盡不如青山三面盡碧水一奩

虛地美還同隱官閒好著書有時青雀舫欲逐越

溪漁

吳仲冕為先祖刻手蹟竟暫還姑蘇賦別並

託致令姪雨來四首選三

五岳游將遍烟霞骨自輕老窮金石秘書擅剪刀

名華表他年事將以先祖墓道夷門此日情仲冕昔與

大司馬伯祖及先南歸逢小阮應為話平生祖遊今已歷三世

又

湖海高人意經年賦遠遊
耽思窮石鼓落筆健銀
鉤寒雪關河路春江日夜流
送君惆悵日轉復重
離憂

又

千里江南路君行雨雪霏
遙隨陽雁去應逐暮潮
歸堤柳先春發江花拂棹稀
獨憐烽火後迢遞過
淮淝

贈張埴允任蓬萊

才子黃初彥風流白下橋
之官江渺渺仙縣樹蕭

蕭鄉夢隨淮水高齋望海潮
麻姑山不遠乘興一
相招

又

已羨寒帷去仍聞坐嘯聲
蓬萊春海碧碣石暮烟
明美政彈琴暇新詩積雪清
文翁今教授還見士
鄉城

爲人題芙蓉泉亭子

依約芳林下名園近水濱
泉如金屑碧山對玉函
春歷歷名花發娟娟素瀨新
亭邊今夜月還憶錦

城人

又

偶過澄湖側還來御苑東
衣香聞橘柚泉影出芙蓉
潑水彈琴裏青山捲幔中
千秋濠濮興此意有誰同

聞梵同子底兄賦

清梵中宵發閒牕客夢還
乍疑千澗底忽出萬松
間意向初禪寂心知半偈閒
無生如可學從此住寒山

又

當日雲門座白槌早入禪
何須求二乘先已破三
緣月照寒松裏霜清曉磬邊
千年黃蘗語到此未茫然

焦雨若先生招飲余青園

園以竹勝

負郭名園勝高人杖屨閒
雨晴修竹裏透見女郎
山木未遠田淨雲中孤鳥還
林亭斜日下且莫戒重關

又

柴扉引餘照山色宛宜修長日風林外鳴禽雜遠
流枯槁隔花轉竹箭映泉秋落日芳春酒為君晚
更留

又

柴門朝始啓初日淡清晨紅藥林中出青山郭外
春脫巾倚修竹隔水見行人欲謝塵中駕長歌學
負薪

又

離前楊柳徑郭外桃花源泉水朝開會清陰午到

門小山多婉變春竹日嬋媛坐見牛羊夕晚烟生
近原

老馬

天府龍媒種驍騰羨爾先十年隨漢將萬里飲流
泉戰磧黃花後長河落照邊終能輕駿骨一為過
燕然

邊獵

九月朔風強烏號勁莫當鳴弦飛脫兔絕壁射黃
羊太子河邊水將軍樹上霜暮雲雙大燾云是左

賢王

從軍行 二首選一

三輔羽林郎乘秋出大荒
自彎黃間弩親射白羊
王朔雪貂裘蔽春風
瀚海長龍沙堆上月回首不
思鄉

又短草試鳴鏑春風吹蔽貂亦佳句

紫騮馬

青槐夾長道顧影紫騮過
年少馳三輔春風試五
河金溝朝布埒白昼日鳴珂
向夕狹斜路香車奈

若何

折楊柳

大道青楊柳濛濛覆玉塘
柔垂美人手輕逐少年
裝惜別金閨晚飛花岐路長
銷魂橋上水空復汎
鴛鴦

少年行

細馬五花裘琬弓映錦兜
朝辭天北闕暮過隴西
頭小隊常從獵蒼鷹不下
鞬當年傳介子曾拜義
陽侯

兔柴

蕪草綠初晴白雲出郭生幾朝臨碧水五里隔春
城竹溜通泉過石樓倚嶂成行隨芳樹去步步夕
嵐清

十六夜看月

初月憐花露垂簾光漸多夜涼浮錦瑟清影動明
河罷沐人難寢微風漏易過不知昨夜裏窈窕更
如何

同劉大田家兄子側汎湖分韻

白雲何歷歷淥水正悠然欲奏江南曲菱花秋可
憐柳陰攢蟹網舷尾出茶烟一向空明去浴泗望
渚田

又

夕陽明野水荇葉遶孤城碧樹天邊盡蘭舟雲外
行棹移清吹發歌寂晚涼生極目汀洲遠何人采
杜蘅

又

秋水蕭蕭晚仙舟冉冉移明霞如綺薄涼月映船

垂太息憐秋色潺湲動遠思湘靈何處是惆悵不能持

湖中歸作詩惜別

日色明前浦雲陰覆半城帆從烟際沒樹向鏡中平遙望丹樓遠旁看碧莢生迢迢孤鳥去爲寄別離情

又

乘流一以眺漁屋滿中洲歷歷菰蒲響蕭蕭竹箭流稻田雙渡馬柳港獨停舟悵別澄湖去風帆不

可留

同師黃葵公過約圃

水草當門亂長松覆徑幽西山落春碧南頰翼清流曲榭隨花竹垂簾近鷺鷗青絲能貰酒日夕快同遊

又

登臺望平楚袁水繞林亭竹木何明瑟風烟入杳冥鳴琴當遠壑罷酒過沙汀欲去歌招隱南山空翠屏

又

遙對青山郭旁臨綠水灘層松迴望合石竹過春
繁美井花間出園井名山亭鏡裏看語溪隱君子相

對話林巒

師黃嘉興人

留別家兄禮吉子側

祖帳春園裏裴回復暫停日歸寒食近惜別柳條
青遠道逢春雪殘梅落驛亭池塘有新句腸斷不
堪聽

送徐公肅遊盧龍

迢遞邊庭路行行入暮塵愁消榆塞酒詩憶錦帆
春楊柳碧無數早鶯鳴向人懸知弔孤竹懷古一
沾巾

河邊樓上題贈彈箏者

烟柳似宮眉樓痕鬪碧漪秦箏方歷亂春鳥亦參
差上客酒初罷小絃聲漸悲此音難再聽况復在
天涯

重昭丁景呂枉佳篇見贈依韻次答二首選

捲念存知己登臨共憶家櫻桃紅未子楊柳碧全

花麗句分春草清樽倒暮霞美人能惠我瓊玖未

應賒兼索近詩

送孫開盛還四明

杵臼論交處聲華滿帝州文章羞狗監風味自龍頭
新柳漳河樹江花越客舟此行能待我共作剡

甲遊

荅劉小石兼呈景呂

丁屣南皮彥劉楨鄴下才風流雙壁見賓從五原
來河柳參差發官梅次第開此時枉新句底復問

金臺

夏日劉氏水亭三首選二

湖水何清泚空亭嘉樹林鳥鳴風柳外花滿石梁
陰短榻侵荷葉閒牕落水禽十年濠濮意此地一

開襟

又

初日明霞裏澄湖色更幽小鬟朝滌器孤客起臨
流水氣侵涼閣菱花覆素鷗南山有佳色日夕近

盈眸

夏莊道中

數家當夕照澤園漸蒼茫荷葉官橋路新稅水澁
香漁簪籠樹碧鷺子沉波黃側眺平湖外烟林入
望長

灣頭

灣頭見楊柳繫馬坐呼船一水橋邊市千家荻外
烟鳥飛春棹上人浣素波前却望蒼茫裏姑尤落
照邊

穀日南園作

連岡

又

悵惻騷人怨飛揚漢祖辭手携秦氏女雜坐沛中
兒鬻策聲元壯篋篋調轉悲襄陵春酒碧聊用慰
支離

又

京洛騎遊子經時信不聞偶然右內史長揖大將
軍翹首鄉關遠悲歌塞日曛茱萸遙對酒那不憶
離羣

又

舊日平臺客蕭條更不存
芳梨零上苑修竹散梁園
鳧雁紅泉冷鸞鷖白晝翻
望春樓外飲秋氣足

消魂

先二日于太守招飲望春樓下

又

昔日同門子軒車照洛津
一朝乖羽翼千里隔風塵
北海元樽酒西園盡上賓
不知京兆客曾念伯鸞貧

又

心淒激因風起參差逐漏沉
遙憐征戍客幾夜共沾襟

秋寺

寒山望不極秋寺夕陽邊
白鳥穿牕破蒼松倚殿圓
經臺凝夜露香積起孤烟
臥碣荒苔裏梁陳尚紀年

秋獵

秋暮平原獵千夫意氣豪
角弓寒日急邊馬朔風高
陰谷張羅罟陽林蔽羽旄
歸來橫醉眼狐兔亂

弓刀

秋鷹

蒼鷹何爽颯寒至益雄強
捎兔低枯草隨雲沒
荒長空橫爪紫落日慘
眸黃鷺擊真憑爾秋高正

變鶻

肉攬部鷺擊等二變為鶻
鶻轉鶻三變為正鶻

秋猿

寒江風颯颯松栢雨冥冥
此際猿聲苦何堪獨夜
聽巴雲迷楚峽灘月下
空舸萬里悲秋客孤舟去

洞庭

秋雁

乍背彭蠡水飄搖萬里歸
今來辭朔塞霜雪故園
違驛路黃楓遠江天紅蓼
稀草堂深夜雨斷續屢

開扉

秋柳

一夜羌樓笛空吹黃淡絲
金城渾折盡玉塞教相思
渭水秋風苦隋隄返照遲
美人曾別處腸斷板

橋詩

山頭店曉行

殘星在林樾積雪滿清流颯颯孤峰曉潺潺石瀨
秋夢猶京洛客春入故鄉遊歲序驚雙鬢誰能對


崩緜

右之曰貽上五言嫻然而來風流四照若顏雅
齒曼睞修眉真是遺世獨立詩云有美一人清
揚婉兮騷云既含睇兮又宜笑予慕予兮善窈
窕始彷彿遇之矣

東癡曰貽上嘗貽予論詩書謂詩以神韻為第
一義審格諧音猶其後起者耳今流覽諸篇真
覺有清廟朱絃一唱三歎之妙信貽上不欺我
也○五言子底如幽燕老將氣韻沉雄貽上如
三河少年翩翩自喜

瑯琊二子近詩合選卷四

三才圖會



卷之五